

剡源鄉志卷十四

奉化趙霈濤 醉仙甫纂

列女傳二

國朝

順治至咸豐

夏氏康嶺康慶祿妻時逢鼎革山寇猖獗擄掠婦女無算一日賊兵猝至氏攜其二子奔匿前山騎兵追及欲污之氏不顧子大罵以石擊賊賊兵怒碎砍之此順治六年九月初四日事也時年二十有四

康譜

宋氏沙隄樊榮善妻容醜而德裕家甚貧朝夕恆不給

剡源鄉志

卷十四

列女傳二

一

宋紡績以佐其夫順治六年山寇作亂夫爲賊所害宋鬻產營葬遺子甫三歲至是而家益艱知力不能支撫孤位曰若汝有所寄吾卽從汝父於地下矣且蒙蔽其面沿家乞食行至蔣葭浦有服姪某爲弟子師見宋而詈之曰汝旣乞食何處不可而母子至此東家見之我何以堪宋遂號哭而返不得已將子寄於王婆橋王氏蓋宋之葭苳也歸家拜告祖先潛至夫墓懸樹而縊時順治七年七月初七日也

樊譜

陳氏三石董園僖妻生子一歲而夫亡或以其艾諷改

適涕泣誓以死守僖昆弟三人皆早世門無壯男舅
喪在殯氏矢節彌厲深慮五喪未畢乃遷諸櫬同墳
異穴而瘞曰吾伶仃一生矣歿後與一家骨肉聚於
此至卒也年七十二而卒

康熙志

崇祀節孝祠

吳氏公棠唐名誼妻十七歸名誼甫一載夫亡遺腹生
子亦殤氏執女紅以養其舅姑舅文獻廷試入都而
歿氏鬻簪珥倩夫堂弟禪扶舅之柩歸喪葬皆盡禮
撫養繼子嗣泌蜚聲鬢序年七十一而卒康熙五十

二年督學宋公表其門曰節孝

乾隆志
參唐譜

剡源鄉志

卷十四

列女傳二

二

黃氏毛家灘王良賢妻夫亡守節自矢年八十五而卒

王譜

陳氏沙隄樊華寶妻年二十八夫亡方娠三月及生山
寇竊發氏與翁攜子避居異地後室廬被燬結茅以
避風雨夜甚寒奉被以安翁寢氏惟抱兒坐達旦翁
逝世後子與媳亦相繼卒遺幼孫僅三歲賴氏撫字
成立

邑令彭祖
訓譔傳

康熙五十一年卒年八十一光緒二

十四年由兩浙節孝總局彙請奉

旨旌表

胡氏亭下單偉昌妻年二十八夫亡守節三十八年康熙三十三年卒年六十五唐禪爲作節婦傳

葛氏亭下單士臣妻年二十七夫亡守節十八年康熙五十二年卒年四十四鄞人毛家成爲作節婦傳

壽婦俞氏斑溪董陞妻生天啓甲子卒雍正甲辰壽一百一歲學道馬豫給匾曰百年人瑞董譜

宋氏亭下單彙如嘉善譜名妻年二十八夫亡守節三十四年雍正十三年卒年六十一督學馬公旌其門曰霜筠孤潔乾隆志參單譜

剡源鄉志

卷十四

列女傳二

三

張氏亭下單思宗一名妻年二十于歸甫一月思宗病

劇氏含淚祝天求以身代迨至病危不能起見夫氣

息淹淹卽投環自盡與夫同日而逝時乾隆四年十

二月十九日也學院彭公啓豐以閨中鐵漢獎之周

榮爲作烈婦傳乾隆志參單譜

沈氏巖頭諸生毛應禛妻年三十四守節三子皆幼撫

養成立各授以室終身不事修飾年七十一卒其幼

子與梅成邑諸生子與梅撰節母傳

孫氏樟墅毛明信妻守節六十年年七十六卒邑令韓

公旌其門曰安節遐齡

乾隆志

單氏董村宋武偃妻年二十三夫亡氏教養遺孤周鎬
蜚聲譽序孝事老翁翁年九十七病篤氏侍湯藥未
嘗暫離翁臨終謂氏曰願爾子孫事汝一如汝之事
我也督學宋以白首青燈獎之

乾隆志

俞氏毛家灘王曾奇妻

乾隆志

年二十三夫亡守節二十

三年年四十六卒

王譜

楊氏毛家灘王曾信妻年二十四夫亡舅姑以家貧氏
幼令其改適氏泣曰若是死無以見先亡人於地下

剡源鄉志

卷十四

列女傳二

四

也苦節自守壽至六十而卒

乾隆志

葛氏石門毛順玠妻年十八于歸踰年生子文郁方四
十日而夫亡氏毀容守志躬任園圃之勞終身無戲
語無歡容撫養幼子成立鄉里莫不尊敬年六十八

卒

乾隆志

毛氏榆林陳順才妻年二十生子甫二十五日而夫亡
氏苦志守節族有善相者謂毛宜四夫毛厲聲曰婦
女之義從一而終我命如此我志不易撫養遺孤成

人年七十卒

乾隆志

張氏巖頭毛允行妻年三十二夫亡守節乾隆六年卒
年八十二

夏氏柏阮陳國暨妻年二十二夫亡守節六十三年乾隆十一年卒年八十四年督學于以節堅志潔

獎之

乾隆志
參陳譜

曹氏三石陳唐隆妻年十九夫亡守節五十三年乾隆十六年卒年六十七學憲雷獎之

乾隆志
參陳譜

子虞升妻

竺氏值曹病篤潛割左股昏絕不能起鄰家救之曰
妾無恙偶一失足所致耳有頃強煮之和藥汁以進

剡源鄉志

卷十四

列女傳二

五

曹遷延五日而卒竺哀慟踰恆竟以茹素終其身

陳

俞氏毛家灘王良珍妻夫亡守節乾隆十六年卒年八十一邑令黃彬以清節可嘉獎之

俞氏馬村張德濟妻年三十四夫亡守節五十四年乾隆十七年卒年八十七

唐氏康嶺康伏忠妻年三十五夫亡守節三十六年乾隆二十一年卒年七十

王氏六詔孫俊賢妻年三十三夫亡二子猶在抱王左
提右挈貞德無間性好善一日米不盈一斗以二升

貸人少晌乞米者又至亦與二升長兒眈眈視之似欲有言王曰若無來源雖不貸人其餓可立而待牀頭有錢一串汝勿憂也守節二十四年乾隆二十二年卒年五十六次子懷智妻趙氏年二十九懷智亡守節六十四年嘉慶二十五年卒年九十二人稱姑婦雙節趙氏光緒二十三年由總局請旌

俞氏沙隄儒士樊守榮妻守榮讀書中道而廢俞曰君不聞樂羊子事乎守榮感其言遂忘寢食以文學稱守榮亡俞年三十一守節四十五年乾隆二十四年

剡源鄉志

卷十四

列女傳二

六

卒將卒戒其子曰我先舅姑而去必以素服殮我勿成禮以暴我不孝罪也語畢而逝年五十一

應氏巖頭毛高英妻年二十三夫亡守節五十五年乾隆二十九年卒年七十七督學宋以守義綿宗獎之

乾隆志

子際華繼妻張氏年二十三際華亡守節五十年五十五年卒年七十一

阮氏三石曹義枚妻年二十三夫亡守節五十八年乾隆三十年卒年七十八乾隆二十八年督學錢公維

城獎曰雪柏霜筠

乾隆志
參曹譜

其長孫淦成邑諸生幼孫

肇封妻樊氏肇封亡樊年二十四事翁姑孝養不衰
一夕樊與姑至廁見一獸至燭之虎也將欲撲姑姑
戰栗無人色樊大聲疾呼拾石擲虎中其額大吼而
去撫猶子瑩成邑增生孫振聲亦諸生樊道光六年
卒年七十五督學周公獎曰荻訓徽音曹譜

單氏毛家灘王世科妻年三十一夫亡守節二十九年
乾隆三十年卒年五十九

俞氏亭下儒士單崇禮妻年十九夫亡守節二十四年
乾隆三十一年卒年四十四乾隆志

剡源鄉志

卷十四

列女傳二

七

周麟輓單節婦詩于歸纔二載守志廿三年奉舅代夫責撫孫接祖傳冰清操甚潔玉潤志何堅回憶無窮苦贏來節壽全

毛氏許家岸張高祐妻年二十一夫亡先是毛年十四少夫年二十五歲爲媒所誤或代爲不平毛曰此吾夙世緣於媒氏乎何尤謹修婦道事姑無少怠相夫子敬慎不違儼事若父是老夫得其女妻者也守柏舟操者五十八年乾隆三十二年卒年七十八光緒二十三年由總局請旌

趙氏塔下曹義松妻年二十三夫亡二子俱幼家貧宗

族恐其難守以語試之曰姑老子幼將安依乎趙忿曰吾不即死以從夫者正以姑老子幼也仰事俯育

孝慈倍至乾隆三十三年卒年九十一乾隆志參曹譜

毛氏榆林陳義缺妻年三十一夫亡矢志守節日益拮

据毛惟治生以奉堂上哺遺孤凡灌溉田畝皆身任

之後老病風痺骨節作楚藥餌不能療絕粒十餘日

乾隆三十五年卒年七十四

竺鄭節婦詩人生失大閑弱草隨風靡緬懷陳氏母堅貞諒無比良人相訣別誓節亦終始此身百鍊鋼此心古井水艱辛百倍嘗刻意成孤子於以報所天適足扶人紀瞻仰懷清堂何如苦節里我欲叩天閭

剡源鄉志

卷十四

列女傳二

八

傳風上青史

壽婦黃氏三石趙有積之妻也乾隆三十六年年一百

一歲邑侯曹膏同府侯徐崑通詳各憲咨部

奏請奉

敕建坊給貞壽之門匾額併

賜銀綴等物以昭寵獎是年小除日無疾而卒

乾隆志參趙譜

邑令曹膏壽婦詩四首剡川黃氏女耆英風協松筠壽且貞冬夏幾回吟日夜長年應使古人驚

壽域宏開及女流百齡以外數春秋柵墟紫氣盈關隘剡水祥光絢廬樓

趙家壽婦過期頤絳縣何堪比擬之三萬六千餘日積算來甲子問

朝知
綸綽遠頌壽婦門窮簷蔀屋戴
天恩黎民雀躍歡呼動徧德根源仰
帝閭

案曹公手卷今尚存其來孫禮周家

陳氏亭下單思明

字巨瑞

妻年三十三夫亡守節四十二

年乾隆三十七年卒年七十四夫叔祖良弼爲作節

婦傳光緒二十四年憲旌

葛氏毛家灘王承業妻年三十夫亡其母欲奪而嫁之
葛知之曰夫骨未寒而去之禽獸不若矣何容生爲
自溺於水者再旁人救之得不死其母恍若有所失

剡源鄉志

卷十四

列女傳二

九

守節五十五年乾隆三十八年卒年八十四光緒二

十三年由總局請旌

陳應熊詩稿砧不復大刀頭辛苦孀居五十秋修竹
生來原有節叢萱老去竟忘憂堂前一子舞萊綵燈

下諸孫誦柏舟
聖代觀風頻遣使擬應竹帛著光休

毛氏許家岸儒士張鳳岐妻年二十三夫故毛自送葬
後顏色怡然不少變人問之則曰親傷子死與吾痛
夫亡孰甚薄命不獲使良人得年終養反悲號以滋
舅姑之戚乎是年其翁以空中衣狗幾置身於大辟
將詣邑下吏與其姑相訣似獨有念氏意氏伺覺之

和聲前慰曰天道難言翁罹非罪人心有主媳婦誠之死靡他矣未幾舅冤果雪守節五十年乾隆四十年卒年七十二光緒二十三年由總局請旌

王氏沙隄樊養備妻年三十四夫亡俯仰無資泰然也一日嘗買物於市人有目逆而送之者歸卽自毀其面其堅貞如此守節五十七年乾隆四十六年卒年九十光緒二十四年憲旌

唐氏巖頭毛建德妻年二十四夫亡鄰婦嘗餽之曰家貧子弱不可以圖久遠唐曰貧弱命也命可逃乎媪

剡源鄉志

卷十四

列女傳二

十

其勿言守節六十年乾隆四十七年卒年八十三光緒二十三年由總局請旌

陳氏三石何元英妻年十七夫亡遺孤僅十月氏孝養翁姑撫孤成立乾隆四十七年卒年八十二其來孫

景黍弱冠蜚聲庠序人咸以爲節孝之報云

乾隆志
參何譜

馬氏康嶺康良輔妻年二十二夫亡屢欲自經以殉旣念方孕八月若得男猶可延一綫之脈于是晝夜操作不倦未幾果生男遂以荆釵裙布終其身守節五十年乾隆四十八年卒年七十一光緒二十四年由

總局請旌

沈氏北溪盧宏正妻年三十三夫亡守節三十五年乾隆五十二年卒年六十七光緒二十四年憲旌

俞氏亭下單懋宗妻年三十夫亡不勝慟哭欲以身殉舅姑多方勸慰始強而起守節六十二年乾隆五十二年卒壽九十二歲

應氏俞村俞啓彬妻年二十八夫亡宗人謀奪其志應以刀自佩曰妾將從夫於地下也橫謀遂寢年登大耋親戚咸欲張錦屏以賀應曰吾未亡人何賀之有

剡源鄉志

卷十四

列女傳二

十一

守節五十五年乾隆五十五年卒年八十二光緒二十三年由總局請旌

樊氏馬村張振邦妻三十四夫亡守節四十三年乾隆五十七年卒年七十六光緒二十四年憲旌

王氏巖頭毛元廣妻年三十夫亡守節五十七年乾隆五十八年卒年八十六光緒二十三年由總局請旌

單氏北溪盧學林妻年三十五夫亡守節年六十六卒嘉慶戊寅督學李公獎曰節勵冰霜

俞氏柏阮陳兆楨妻年二十九夫亡伯氏欲分爨薄與

之產俞曰吾幸得兩塊肉成立足矣此外復何求伯氏愧其言乃均分之守節三十二年嘉慶二年卒年六十光緒二十三年由總局請旌

汪氏亭下單思恆妻年三十一夫亡守節三十五年嘉慶五年卒年六十五道光二十八年徐府憲以節孝獎之

夏氏公棠唐承華妻年二十二夫亡夏不哭人咸怪之夏曰翁姑如此痛哭妾再哭是增翁姑之痛也喪畢兩目血流如注蓋無聲之哭淚盡而繼之以血也翁

剡源鄉志

卷十四

列女傳二

十二

姑乃不復哭反寬慰之與翁姑相得二十餘年嘉慶五年卒年七十六卒之日清風一陣異香盈室光緒二十四年由總局請旌

孫氏柏阮陳守德妻年三十五夫亡守節五十年嘉慶七年卒年八十四光緒二十四年憲旌

張氏董村竺朝元妻年二十一夫亡先是其夫夙抱沈疴成婚數月卽逝髣髴我儀泣矢家廟守節五十二年嘉慶十一年卒年七十二光緒二十三年由總局

請旌

夏氏塔下康兆元妻年二十一夫亡貧不能支乃磨乳
度日日積月累家遂小康或勸其歇業夏曰翁姑幼
子俱藉此以活妾何忍棄也且其嚴肅之氣人莫敢
以非禮相干守節五十八年嘉慶十三年卒年七十
九光緒二十三年由總局請旌

宋氏董村竺維蘭妻年二十五夫亡以死自誓族有謀
奪其志者抱子大哭且引刀自刺其臂其謀遂息後
撫孤成立諸孫繞膝守節六十二年嘉慶十五年卒
年八十六光緒二十三年由總局請旌

剡源鄉志

卷十四

列女傳二

十三

陳氏公塘唐光旦妻年二十九夫亡守節二十七年嘉
慶十六年卒年五十五光緒二十四年由總局請旌
張氏毛家灘王家就妻年二十九夫亡哭盡哀喪盡禮
義方之教張實兼之守節三十四年嘉慶十六年卒
年六十三光緒二十三年由總局請旌
唐氏董村竺藩宣妻年二十八夫亡事翁姑極恭順撫
猶子爲嗣教養備至守節五十九年嘉慶十六年卒
年八十六光緒二十三年由總局請旌
曹氏三石陳虞哲妻年三十一夫亡子纔四齡舅姑復

年邁曹守志不二夫堂伯利其產以讒言誑其舅姑逼之嫁舅姑惑之已許諾曹聞之卽欲自盡舅姑懼而止一日堂伯誘孤子至其家食暗置毒物返而大叫腹痛問所食何物已不能答曹急以地漿飲之吐而後定舅姑始知昔日之讒言皆出自夫已氏也大罵不使登門守節五十七年嘉慶十九年卒年八十七孫嗣泮妻康氏年三十嗣泮卒有富人見而悅之以重利陷其兄兄縛而登諸輿康慟哭幾絕輿夫義之釋其縛乃狂奔投深淵中旁人救之得不死俱大

剡源鄉志

卷十四

列女傳二

十四

詈其兄兄無地自容康守節三十一年咸豐十一年卒年六十一嗣泮弟嗣澳妻樊氏年三十一嗣澳卒與康後先守節光緒十五年卒年七十九康氏光緒二十三年由總局請旌

毛氏柏阮陳守約妻年二十二夫亡遺一子纔三月左支右絀饗殮不給或曰祀田可售以養孤毛曰養孤所以承祀也苟廢祀何需孤攻苦食淡者五十年嘉慶二十一年卒年七十四光緒二十三年由總局請

旌

樊氏三石陳虞庠妻年二十四夫亡守節六十一年嘉慶二十一年卒年八十三光緒二十三年由總局請旌

竺氏俞村俞引蛟妻年二十六夫亡雖有伯叔之親分爨不與家產長子次子均在襁褓遺腹又生一子乃以紡績自給不足採野菜以充飢後時以雞子奉繼姑陸續領童養媳三人一家七口皆竺一人經紀之俾各成立守節四十七年嘉慶二十五年卒年七十二光緒二十三年由總局請旌

剡源鄉志

卷十四

列女傳二

十五

宋氏北溪盧大朋妻年二十六夫亡孝養繼姑盡禮年七十四卒子學銳妻唐氏年二十七學銳亡姑媳飲冰茹蘗矢志不移年七十五卒以猶子爲嗣道光三年學憲桂公獎曰二世貞筠

王氏應家山應承烈妻年二十歸應時太翁與翁在堂王孝養備至甫一年夫得損證氏奉湯藥衣不解帶者一年有餘夫亡屏去鉛華撫育遺孤勤勞不倦道光元年卒年三十一光緒二十三年由總局請旌

夏氏巖頭侑生毛安鎬妻年三十夫亡撫棺一慟絕而

復甦越三月遺腹生男憮然曰一綫之緒懸於此孤
吾不得遽從夫子於地下矣且嘗謂姑氏吾活佛也
何必尋梵堂膜拜哉守節三十二年道光元年卒年
六十一孫鏗鋹曾孫其炳元孫祖昌俱成邑諸生光
緒二十三年由總局請旌

張氏巖頭儒士毛恭肅妻年十九歸肅先是肅嗜書如
癡未婚而疾及婚張爲繫書於牀以娛其志閱五月
而卒張守喪六旬忽一日入房整衣歛衽仰藥而死
時道光元年四月二十九日也光緒二十三年由總

剡源鄉志

卷十四

列女傳二

十六

局請旌

竺氏毛家灘王家敏妻年二十九夫亡守節三十一年
道光二年卒年五十九光緒二十三年由總局請旌
陳氏三石趙義貴妻年二十七夫亡守節三十九年道
光四年卒年六十五光緒二十三年由總局請旌

周氏塔下曹肇鬢妻年二十八夫亡守志事姑愈謹撫
孤愈慈族有侵佔其山者其子年長始知之諭令退
讓堅不肯欲訟之官周曰吾聞訟則終凶不如聽之
且安知非彼己業何可誤信人言其大度類如此守

節三十六年道光三年卒年六十三光緒二十三年

由總局請旌

竺氏沙隄樊景志妻年二十七夫亡守節姑性悍滌瀦

洗泐屢齟齬竺怡然順受自認其過而不辭相處數

十年卒如母女無異翁姑歿竺亦垂老以家政諉諸

子淡然無營道光三年卒年五十九光緒二十三年

由總局請旌

陳氏石門毛茂康妻道光二年年二十歲適毛伉儷甚

篤至六年夫亡一慟而絕及甦不甚悲哀人咸怪之

剡源鄉志

卷十四

列女傳二

十七

密覘其所為豫裁身後之衣以防之嚴不得即死乃

含殮如禮送葬而返沐浴更衣閉戶自經時年二十

四光緒二十三年由總局請旌

毛茂津弔陳烈婦詩嗚呼婦人之難莫難於節烈吾

有茂康兄陳氏同心結締婚只幾年康兄遂永訣家

貧不自由似臥寒天雪淒涼守空房淚滴眼中血前

無姑舅後無兒雖有一女已如滅天已不欲留吾家

我在人間同贅設倘因年少惜青春永夜聲聲腸欲

裂鋼經百鍊古來難寸心詎易恆如鐵何如地下從

郎去了卻一生完吾潔人莫笑吾拙梁間一刻繫如

鮑涇清渭濁長區別君不見列女傳中巾幗賢芳名

耿耿星羅列凶死善死同一死得見其宜閨之傑皮

金翦字誰家女扃戶自縊香且冽短見之見甚長

千載從夫免嗚咽黃泉下有鴻案在生則同室死同

穴吾今為爾取一譬皎如秋月圓無缺

樊氏柏阮陳守紱妻年三十四夫亡遺一子纔毀齒樊撫養成立已而子又不祿遺幼孫二樊恩勤鞠育婉轉教訓俾至成人道光六年卒年八十

樊氏董村竺建星妻年二十六夫亡守節四十一年道光六年卒年六十六光緒二十三年由總局請旌

王氏北溪盧學才妻年二十二夫亡截髮自誓視翁年猶強健力勸續娶以延宗祀後連舉四子王保抱攜持與繼姑分其勞勩其識力遠大類如此守節四十七年道光七年卒年八十八光緒二十三年由總局

剡源鄉志

卷十四

列女傳二

十八

請旌

唐氏北溪盧承明妻年二十四夫亡子宗孝生甫三月唐卽欲引刀自裁以翁姑喻之而止孝養數十年不衰賑恤困窮村中賴以舉火者數家修道路造菴亭建祠廟凡有善舉靡不與焉年五十六卒道光中當道上其事奉

旨建坊崇祀節孝祠宗孝詳見人物傳孫乃楨成郡諸生

方氏下蹕駐王立言妻年二十七夫亡蕭然四壁火不

再舉方安之若素守節四十四年道光七年卒立言
弟立興妻樊氏年二十八夫亡姑晚年善病樊與伯
姒方爭先滌溺器雖穢不嫌守節五十三年咸豐二
年卒方年七十樊年八十光緒二十三年由總局請
旌

王氏沙隄樊忠良妻年二十八夫亡誓無他志有某窺
其色以言相戲王斥辱交加某銜之遂造誣言王聞
之痛入骨髓每夕禱天以自明心迹如是者三年越
中元日某忽狂奔入廟面如土色自擊其掌曰吾不

剡源鄉志

卷十四

列女傳二

十九

應誣巖某婦遂自齧其舌而死王冤始白守節四十
八年道光八年卒年七十五光緒二十三年由總局
請旌

張氏亭下單思超妻年二十七夫亡誓欲同死舅姑含
淚抱痛慰之守節四十三年嘉慶十二年汪學憲以
瑤池冰雪獎之道光九年卒年六十九

何氏董村竺朝楷妻年三十夫亡教子成名守節三十
三年道光十年卒年六十三是年學憲李公以德揚
彤史獎之光緒二十四年由總局請旌

顧氏柏阬陳守法繼妻年二十二夫亡仰事俯育荼苦
萬狀及翁姑相繼謝世喪祭皆盡禮教子有畫荻之
風子秉鈞孫如蕃濟霖元孫學欽俱成邑諸生書香
累葉乃知顧當日之貽謀者遠也守節五十八年道
光十年卒年七十九光緒二十三年由總局請旌
黃氏巖頭毛際鼎妻年三十四夫亡守節四十七年道
光十年卒年八十光緒二十四年憲旌
毛氏許家岸張永英妻年三十三夫亡守節道光十年
卒年七十一督學朱公士彥以白首完貞獎之

剡源鄉志

卷十四

列女傳二

二十

董氏許家岸張永金妻年三十一夫亡守節三十年道
光十年卒年六十學院朱以矢志完貞獎之

毛氏三石趙仁壽妻年三十夫亡守節四十八年道光
十一年卒年七十七光緒二十三年由總局請旌

徐氏俞士炎繼妻夫亡年二十餘以守節終繼子炳如

成邑諸生

王氏俞士芳妻夫亡年二十八守節三十餘年

王氏沙隄單思盛妻結縈二載卽賦黃鵠時年二十懼
不能全常操刀自衛至繼子成婚之夕沐浴更衣無

疾而逝時道光十五年也守節三十二年五十一
光緒二十四年由總局請旌

樊氏塔下曹肇封妻年二十四夫亡誓無他志孝事翁
姑撫猶子瑩爲嗣躬親撫養義方是訓課讀如嚴師
後瑩成邑增生孫振聲亦成邑諸生皆樊課督之力
也守節五十二年道光十六年卒年七十五光緒二
十三年由總局請旌

康氏亭下單敦明妻年三十五夫亡守節三十六年道
光十七年卒年七十一邑庠俞汝諧爲作節婦傳

剡源鄉志

卷十四

列女傳二

二十一

陳氏董村廩生竺苞妻年三十夫亡矢志無二凡宗廟
津梁道路無不稱量以與守節五十三年道光十九
年卒年八十四道光元年

欽旌節孝給帑建坊崇祀節孝祠子純甫院取侑生妻
樊氏年十八夫亡與姑同寢處寒暑不出戶外守節
四十二年道光二十三年卒年五十九道光十三年
陳宗師以貞壽垂型獎之樊繼子凌雯妻盛氏凌雯
入邑庠旋卒盛年二十八嘗自誓曰吾太姑與姑俱
青年矢志我何敢不步厥後塵乎且性好施與樂善

不倦光緒十四年卒年六十六子廷勳亦成邑諸生
樊氏盛氏均於光緒二十三年由總局請旌

王氏黃沙阮丁士璋妻問安視膳彬彬有禮年二十三
夫亡殯送如禮誓無異志子生未晬十日九病叩天
祈神日無甯晷及長頗強健喜形眉睫蓋王之默禱
願減己算以益兒壽者其精誠貫諸神明也守節五
十八年道光十九年卒年八十光緒二十三年由總
局請旌

單氏柏阮儒士陳永祁妻年二十六夫亡守節六十一

剡源鄉志

卷十四

列女傳二

二十二

年道光二十年卒年八十六光緒二十三年由總局
請旌

阮氏公塘唐光馥妻年二十二夫亡或有勸其再適者
阮曰人生與草木同腐黃梁一夢頃刻間耳且翁姑
與夫祀事其誰承之妾將肩此任矣後卒一一如其
言竟以親房嫌其家貧莫肯承繼人咸惜之道光十
二年督學 公以松竹同貞獎之守節五十二年道
光二十年卒年七十三光緒二十四年由總局請旌
竺氏六詔孫見校妻年三十四夫亡守節三十九年道

光二十一年卒年七十二光緒二十四年憲旌

毛氏亭下單仁植妻年三十三夫亡守節二十二年道

光二十二年卒年五十四當道以冰心柏節獎之

胡氏沙隄樊守奇妻年三十四夫亡守節三十年道光

二十二年卒年六十三光緒二十四年憲旌

陳氏斑溪董天懷妻夫亡年二十八誓無二志夫嗜筍

每忌日必羅致之如是者七八年其年大旱三月先

數日使人徧處尋筍不得厥明忌日至矣陳哭曰天

乎此薄物吾不能致復何顏見夫子於地下乎夜半

剡源鄉志

卷十四

列女傳二

二十三

忽大雨如注侵晨起視後園筍俱怒生遂採取以供

夫祀守節三十六年道光二十二年卒年六十三光

緒二十三年由總局請旌

王氏公塘唐士超妻年十三爲養媳旣成婚夫病癡王

以命自安及夫亡矢志靡他喪畢歸甯母黨伯姒欲

嫁之媒氏成約娶有日矣誘王使來有鄰媪潛告以

情王卽於是夕雉經而亡時道光二十四年十一月

某日也年二十四光緒二十三年由總局請旌

唐燦王烈婦詩二十餘年幾度秋一朝煞手
付東流撒開塵世毫無繫化作飛仙何處求

馮氏環潭王富昌妻年三十一夫亡守節五十九年道光二十六年卒年八十九光緒二十四年憲旌

包氏鎮海人沙隄樊忠侃妻年二十九夫亡守節六十年道光二十七年卒年八十八光緒二十四年由總局請旌

俞氏馬村張錫祥妻乾隆癸丑山水驟發錫祥歿於水俞欲以身赴水姑與妯娌伺之得免俞時年三十五教子成家堂構聿新凡遇夫歿之日必嗟吁流涕其孫立槐粵匪竄奉以團練守唐興嶺邑侯屈保舉六

剡源鄉志

卷十四

列女傳二

二十四

品銜曾孫錦文戊子歲貢煥文邑諸生鄉之人皆以爲食節母之報者道光二十八年卒年九十歲

范氏鄞縣人董村竺自新妻年三十四夫亡守節道光二十九年卒年六十八光緒二十四年憲旌

竺氏廩生苞之女榆林佾生陳繼楠妻年二十五夫得嘔血證而亡竺思一綫之緒忽焉中斷勸翁復納庶姑越數年果生一子後子復生子俾其夫亦相繼有傳且氏之母以節著而氏亦守節四十九年人稱爲母女雙節道光二十九年卒年七十三當道以節凜

松筠獎之光緒二十三年由總局請旌

唐氏董村庠生竺錦芳妻年三十五夫亡守節十六年
咸豐元年卒年五十光緒二十四年憲旌

葛氏沙隄樊立田妻年二十三夫亡僅遺一女姑卒喪
葬如禮以繼子守秉爲夫後求田問舍至老猶操作
不倦守節五十一年咸豐元年卒年七十三光緒二
十四年由總局請旌

毛氏柏阮陳守淡妻年十九夫亡以守節自誓伯姒姊
也撫其子爲子其後孫曾繁盛家業熾昌孫達章入

剡源鄉志

卷十四

列女傳二

二十五

成均曾孫善成邑諸生守節六十一年咸豐五年卒
年七十九光緒二十三年由總局請旌

樊氏巖頭儒士毛榮桂妻年二十三夫亡守節六十一
年閨門肅穆內外整飭人皆稱道勿衰咸豐六年卒
年八十三光緒二十三年由總局請旌

毛氏許家岸張永斌妻年二十七夫亡腹有孕踰月而
生撫之成立守節五十八年咸豐六年卒年八十四
光緒二十三年由總局請旌

單氏董村宋顏模妻年三十二夫亡守節四十九年咸

豐七年卒年八十二光緒二十四年憲旌

孫氏董村竺藩審妻年三十四以守志自矢遵遺命督子纂嚴少有怠惰輒斥辱之二子力田積穀篝車二子讀書蜚聲庠序遠近稱之守節四十三年咸豐七年卒年七十六光緒二十四年憲旌

胡氏董村竺商阜妻年十八歸竺未婚明年其夫忽遭奇疾綿延五載胡朝夕進粥糜叩天願以身代咸豐五年夫歿胡年二十四一慟幾絕請於舅氏曰願成服守喪矢志終身後胡以母喪歸或勸之曰未婚者

剡源鄉志

卷十四

列女傳二

二十六

不必守義胡不應屢欲自盡母家知其志不可奪送至竺家於咸豐七年沐浴更衣細鍼密縷縫其下裳不食卒年二十六光緒二十三年由總局請旌

毛氏許家岸張文中妻年三十五夫亡守節三十七年咸豐八年卒年七十五光緒二十四年憲旌

康氏許家岸張錫鉅妻年三十夫亡守節三十四年咸豐八年卒年六十三光緒二十三年由總局請旌

陳氏公塘唐肇欽妻年二十七夫亡以猶子爲嗣仰事俯育煦煦如也鄰有逆子將歐母見陳來狂奔而去

後卒母子如初其感人多如此守節四十年咸豐九年卒年六十六光緒二十四年由總局請旌

陳氏石門郡庠生毛錦佩妻年三十三夫亡守節四十二年咸豐九年卒年七十四道光戊申府憲徐邑令楊獎其門

蔣氏沙隄樊忠元妻忠元兼祧其叔可欽後可欽又爲忠元娶單氏忠元亡蔣年二十八生子厚曠單年二十一無子撫猶子厚英爲嗣蔣與單指心自誓夫棺在堂傭婦不謹爨下失火勢將及棺蔣與單抱棺大

剡源鄉志

卷十四

列女傳二

二十七

慟忽迅雷大雨如注火頓熄蔣性好施凡有求必應踵門告匱者如市單長幼上下咸待以禮嘗助田以崇祀事蔣咸豐十年卒年五十一單光緒十三年卒年七十三人稱一門雙節均於二十四年由總局請旌

趙氏三石新城教諭青照之女亭下單仁瑛繼妻年二十四于歸時舅姑祖姑俱在堂家政肅然趙羞其飲食時其寒煖躬其扶持抑搔能得兩代歡心越三歲仁瑛中惡疾卒趙悲不自勝欲以身殉旣而翻然曰

吾幸有一塊肉周晬矣天祚單氏安知無成立日耶
輕生不智斬嗣不仁重貽尊章憂不義負亡人託付
不信吾靳忍諸故始斂及葬舅姑祖姑恐其過悲時
時強慰之逾期恐舅姑祖姑盡傷或轉爲強慰退則
抱遺孤廷颺淚涔涔下督其就塾不假顏色及姑捐
館計事之凡十二年祖姑捐館計事之凡十五年舅
亦尋捐館計事之凡十六年趙經營窶窳悉如法咸
豐九年學憲張文貞以勁節貞心獎之十年卒年六
十九子廷颺太學生孫紹統妻周氏年三十二夫亡

剡源鄉志

卷十四

列女傳二

二十八

卽共同志二婦居尼菴以終而歲時定省必以時物
饋其舅姑守節三十年光緒二十一年卒年六十一
盧氏三石陳嗣範妻年二十三夫亡盧畫地作一刀形
而誓之曰妾如有異志願以刀加我身踰年夏梁巢
雙燕其一爲猫所嚙其一哀鳴孤棲至秋半徘徊盧
前呢喃終日而去次年孤燕復至盧家來時燕語悉
如去秋如是者數年附貢生陳錦爲作孤燕行守節
四十八年咸豐十年卒年七十九歲光緒二十三年
由總局請旌

王氏董村竺商禹妻年三十一夫亡守節十三年咸豐十一年卒年四十三光緒二十四年憲旌

孫氏公塘唐肇佐妻年二十七夫亡守節四十二年咸

豐十一年卒年六十八光緒二十四年由總局請旌

俞氏毛家灘王良珍妻年三十夫亡守節五十年年八十卒邑令黃以清節可嘉獎之

竺氏斑竹園俞紹南妻年三十三夫亡守節四十八年年八十一卒光緒二十四年憲旌

康氏巖頭毛守令妻年二十九夫亡守節五十二年

剡源鄉志

卷十四

列女傳二

二十九

八十卒光緒二十四年由總局請旌

王氏石門毛嘉霧妻年二十九夫亡守節三十二年

六十一卒王上事舅姑惟謹教遺孤慶成邑諸生光

緒二十四年由總局請旌

宋延祺王節母壽詩人生穹壤間節壽兩希全操節
實由己得壽乃在天顧惟毛君母青年夫早捐矢志
靡他適啣哀寫中涓羞此桃李榮願同金石堅撫孤
底成立詩禮能相傳歲月易云邁倏逾六秩年燁燁
朱顏酡飄飄鶴髮鮮既娛菜子服載
歌柏舟篇天道毋或爽福善古所然

族姪文繼校字